

اسلام گزینی

مغاری : « دینی برقیات ، حیاتی برقیہ » در .

ییل ۱ - صیائی ۹
۱۰ رجب ۱۳۳۲
۲۲ مایس ۱۳۳۰
مدیری : حلیم ثابت

جناب حق قرآن کریمده (واذا حالتم فاصطادوا) آیت جلیله سیله احرامده ایکن حرام اولان صیدك، احرامدن چیققدن صوکره جاز اولدیغنی بیان بویوریور؛ حالبوکه حکومت مواسمك برچوق قسملارنده بری ویمجری صیدی منع ایچون نظام وقانون وضع ایدیور. ایشته بویله نص ایله جوازی ثابت اولان برفعلی اولی الامر منع ایدیور. فکرینکزه کوره جناب حقك حلال ایتدیگی طیبانی تحریم ایدیور.

(فانکحوا) و (فاصطادوا) امرلرینك ماهیت اعتباریله نه فرقی وارد؛ جواز، هر ایکی آیت جلیله ده عیندر. حال بویله ایکن (فاصطادوا) امرینه قارشى اولی الامر قانون وضع ایتدیگی حالده بوکا قارشى لسان شریعت ساکت وایکم قالیورده. عینی ماهیتی حاز اولان تعدد زوجات حقنده کی آیه قارشى بر مطالعه علمیله وفقیه ده یوللادی، بوکا باشقه بر رنك ویریه ركه هجوم ایدیور، نیلیم بو دوغرومیدر؟

ایز میر معونی

منصوری زاده

محمد سعید

اسلام صوادی

استانبول :

مفقوره مسئلہ سی و باب هلیل مشیختك بر عزلی — مجموعه هیئت نجه شخصی تانیلیان اسکیشهر نائینك باب مشیختجه عزل ایدیش اولدینی ایشیدیلدی. بو حال نه بزم ایچون نه ده قارئریمز ایچون مهم بر حاده دکلدر. فقط ایشیک ایچنده اصل عملکتزك، بالخاصه باب مشیخت منصوبینك ذهینتی، دوشونجه سنی کوستره جك برجهت واردرکه بر اصل بوندن دولای بو حاده تانق قیدایدیلنی مناسب کوریورز: وقعه شویله جریان ایدیور: قوجه لری بالقان محاربه لرندن عودت ایتدین برچوق اسکیشهرلی قادینلر دردلرینه درمان آرامق قیلندن شهرك نائینه مراجعت ایله نه پاییلقی لازم کلدیکنی اوکره نمك ایتلر. نائب افندی ده بالطبع انتظار ایله امر ایدره. فقط کونلر، هفته لر، آیلر کچدیگی حالده قوجه لرینك

عودتیه سه وینه مین یوزواللی قادیلر، حتی قوجهلری اوله جفک بوژی بیله کورده مین یچاره منکوحه نایلر نائب افندی به اولان مراسیلتلری نوالی ایتدی بریرلر. مذهب ختی به کوره قضا ایله مأمور اولان نائب افندی بالطبع مفقود مسئلهنی بیلایکندن تکرار، سنه لوجه حتی برانسان عمری قدر انتظار اتمک لازم کلدیکنی ا کلاقمده کچیکه، فقط زمانک قولای دلیک، عقلی ایرر قادیلری استدلال وادینه دوکوله رک یالکرز قوجهلرینک منسوب اولدقلری ظابورلر دکل، محاربهیه اشتراک ایدن بوتون افرادک آرتیق عودت ایتش، حیاته قالا نلوا یله شهید اولانلر آرتیق آکلاشیلش اولدیغنی درمیان اتمک باشلارلر. بونک اوزریتیم نائب افندی دخی بوقوتلی دلیللری رد ایدمه مکله برابر عینی زمانده بومسئله نک آتمش اسنه ده بردقه وقوعه کلن عادی مفقود مسئله سندن فرقلی اولدیغنی، هله سائر اتمه نک بو خصوصیه کی اجتهادلرینی نظردته آله رق وقعتیه باب جلیل مشیخته بیلایر مشدر. فقط بو حال مشیختک اسکی ذهنیتته توافق اتمه دیکندن مناسبت و مفید بر جواب ویریله چکی برده «مفقود» مسئله سی ده بیله مین برنایک قضای جائر اوله یاز، دیه رک قاضی عزل ایدیلشدر. قاضی افندی بویه مراجعت دکل، بلکه کندیسی اجتهاد صاحبی اولوب دم مسئله نی کندی یا خود سائر اتمه نک اجتهادی وجهله خل اتمش اوله ایدی، باب مشیخت بو کیسه به قارشئ عیبا نضل بروضیت طاقینش اولوردی، ایسته خرافلی نقطه ... بزم فکر عزمه کوزه وقعته زائله یی متغاب یالکرز اسکیشرده دکل اتملکتشزک هر گوشه و بوجاغنده بول بول فوجود اولان بومسئله بویه عزللر ایله قاپادیلق دکل، بلکه لزومی وجهله حل ایدیلک اقتضا ایدر. بر قاضی عزل ایدیلش اولغله مسئله قاپانمز. شریعتک حنانه و شفقتنه صیقلان عمد (ص. ع.) امتی بویه عبوس چهره لر ایله قارشولانه ملیدر. «یشروا و لاتعسروا و یشروا و لاتتقروا» حدیث شریفی اوتودیلما ملیدر.

تورکستان :

تورکستانده اسلام غزته سی — تورکستان مسلمانلرنجه تورکستان طرفلرنده اسلام غزته سی نشری چوقدن بری تصور ایدیلکده ایدی. نهایت تورکستانده «صدای تورکستان» فرغانه ده «صدای فرغانه» ناملریله ایکی غزته نشریه باشلانیلشدر. دواملری ایچون الله دعا لر ایدموز.

ایران :

ایرانده معارف — ایرانده معارف ملی برصورتده تعیم ایچون ملی بر شرکت تشکل ایتشدر. بو شرکت ایرانک باجمه و کلا واعیانی، تجار و احسانی داخل اوله رق حصه دار

اولشلردر . شركتك رئيسى ايران معارف ناظریدر . شركت مذكوره آذربايجان مقابلهده
يكي اصوله موافق ابتدائی ، رشدی ، اعدادی مكتبلر كسادينه بدل مساعی ایده جك وقترا
چو جوقلری مجانا مكتبه قید و قبول ایلیه جکاری کبی ، اغتیا زاده لرده آذربايجان مقابلهده
تدریسات ، تعلیم و تربیه یه اعتنا ایده جکلردر . الله یاردیمجیلری اولسون .

تبریزده روسلر نه یاپیور ؟ — ایران حکومتی ، تبریز امور مالیه سنك تدویریه
ویرکولرک تحصیل ایچون بلجیقالی برقاچ مالیه متخصصنی تعیین ایتشدور . تحصیل وجبات
اولنان اموال مالیه مأمورلری طرفندن طهراتده کی مالیه مشاوری اولان بلجیقالی برذاته
کوندولایکندن طولانی روسلرک عدم ممنونیتلری جلب ایلدیکی جهته ، تبریز اهالیسی
بلجیقالی مالیه مأمورلره ویرکولری ویرمه مک تشویقاتنده بولمقده درلر . بویله جه ویرکولر
تراکم ایتکه باشلامش و ایران امور مالیه سی ضعف و مشکلاته دوچار ایتشدور .

تبریزلیلرک انتخابه قاسم قویملری — دشمنلرک تحریکاتی نتیجه سی اوله رق تبریز
اهالیسی ، ایران ملت مجلس ایچون مبعوث انتخابندن صرف نظر ایتشلردر . طهران داخلیه
نظارتی بو حاللرک اوکنی آلتی ایچون تبریز اهالیسه وصایا و نصایحه بولنش ایسه ده بونک
برقائده سی کوروله مشدر ایرانک هر طرفنده انتخابه کر میته مباشرت ایدلش و طهران مبعوثلری
تعیین ایتشدور . تبریز انتخابنده دشمنلرک تشویق به اهالی بی تحریک ایدن کیسه حاجی ناظم الدوله در .

تبریزلیلرک کنج حواء — کنج شاهک تاجکذاراق مراسمی یاقلاشمقده در . مراسم
مذکوره یه ایرانک هر ایالت و ولایتی طرفندن اشتراک ایدیلوب اظهار سرور و شادمانی
ایلمک مقرر ایکن ینه تبریز اهالیسی مفیدلرک تحریکاتیه مراسم مذکوره یه اشتراک
ایتمکدن صرف نظر ایتشلردر . حتی بویابده کنج شاهک تاجکذاراقی علیه نه ده مضطهر
تحریر و تخمینه تصدی ایلمکده ایتلر !

بلوچستانه ایرانده آرایسزلرک — بلوچستان ایران حدودنده بولنان (نازوقی)
(مرئی) قبیله لری رئیس لری اتفاق ایدهرک ایران حدودنده داخل (نظم آباد) و (دولت آباد)
قصبه لری یا غما ایتشلردر . ایرانی جنوبی ایالتلرندن اولان کرماندن متجاوزلری تنیه ایچون کافی
درجه ده ژاندارمه قوتیه برطوب حدوده سوق ایدلش و متجاوزلره مصادماته باشلامشدر .
مصادمه نتیجه سنده قبائل افراددن بکرمی دوت کیسه قتل اولنوب ، متباقیلری غرار
ایتشلردر .

ایرانده دواتر بورجه لری — ایران نظارتلرنده بودجه اصول و ترتیباتی اجرا
ایتمکده در . بودجه لرک تنظیمه موسیو (پرنی) نامنده بر آوروپالی نظارت ایدیور ،

نظار تبارك بودجه لری ترتیب اولندقدن صوكره شاهك تصدیق ایچون وزیر اعلیٰ کوریه جکدر
که ، ملت مجلسك کشادنده مناقشه و تصدیق ایچون آماده بولسون .

ایراندہ قانونہ مجلسی — ایران ایچون عرف و عادات محلیہ کورہ قوانین مفیدہ
تنظیمی ایچونده بر مجلس اشکی ایشدر . قوانین مذکورہ قلمہ آندقدن صوكره ملت
مجلسك تصدیقہ اقتران ایدہ جکدر . قانونلرک ترتیبده امور عدلیہده متخصص بر
آوروپالی نظارت ایشکدهدر .

طهرانہ کتاب سرقی — ایران شاه اسبق مظفرالدین شاهك کتبخانہ سی مدیری
اولان (اسان الملک) کتبخانہ شاعیدن بو آنہ قدر نسخہ لری غیر مطبوع وال یازسیلہ یازلش
اولان بر چوق آثار نفیسی کتبخانہدن آشیرمغه موفق اولشدر . یوصوک زمانلرده پولیس
خفیہ لری طرفندن اجر اولنان تعقیبات و تحقیقات نتیجہ سنده فعل سرقت میدانہ چیتمش والده
ایدیلن وثائق اسان الملک توقیفہ مدعی عمومیلک طرفندن کافی کورولدیکندن عمومی الیه
در حال تحت توقیفہ آلمش واقعاتکاهی ده تحری اولونشدر .

ایراندہ اراضی یغما سی — روسیہده انتشار ایدن (صدای حق) غزنیہ سنده
اوقوندیغه کورہ ، ایران اشراف و اغنیاسی شو صوک کونلرده عادتاً اتخار ایدرجہ سنہ
کندیلرخی پک الیم بر عاقبتہ سوق ایدیورلر . بو آدملر ایکی سنہدن بری اللرنده کی املاک و اراضی
اجنیلرہ ساتیورلر . مشتریلرک بر قسمی انگلیزلر بر قسمی روسلر و بر قسمی ده آوستریالیلردر .
مازندران و کیلان شہرلرینک بویوک اورمانلری اک قیمتی بر زرق معدنی ایکن
صاحبلری بونلری پک اوجوز برفیائلہ اللرندن چیقاریورلر . آوستریالیلر آذر بایجانده
بر آلق و امتیاز قوپارلق ایچون درلو درلو انریقہلر چویریورلر . اراضی صوک زمانلرده
اوقدر چوغا کدرکه ، حیرت ایشمک الدن کلیور .

شمال :

اورال ده براسلرخی کتبخانہ — اورال طاغلری جوارنده واقع (ایکاترینبورغ)
قصبہ سی مسلمانلری ، مذکور قصبہده کی مسلمانلرک تنویری ایچون براسلامی کتبخانہ
کشاد ایشک ایچون والی عمومی به مراجعتده بولنہرق رخصت استحصالہ موفق اولشدر .
مذکور کتبخانہک تأسیسہ اک زیادہ عمت ایدن ذوات قصبہک علیحدتدن عبدالرحمن پک
ایله ارباب ثروتدن زین العابدین افتدیلردر .

قازان کنگلرینک قشمری — چین و تورکستان روسیده واقع صحرا و اووالرده چادر آلتده یاشایان قازاقلرک نفوسی سکز ملیون قدردر . بونلر خالص تورک اولدقلرندن صوک درجه ذکی و فطری بر استعداد مالکدرلر . قازاقلرک بوآنه قدر علم و معرفت نعمتدن محروم قاله لرینک یکانه سببی تکام ایتدکلری شیوه نلک کندیلرینه مخصوص اولوب ، روسیه شمالده یاشایان تورککلرک تورکجه لسانندن فرقلی اولسیدر . بوسیدن طولانی قازانده ، اورنبورغده ، قریغده باسیلان کتابلرله مطبوعاتدن بک آز استفاده ایتشلردر . بناء علیه بو حالی شو صوک سنه لرده ادراک ایدن قازان کنگلری قازان شیوه سنک اصلاحیه کتاب و غزته نشرینه ماریت ایدرک ، اینای جنسلرینی جهالتدن تخلصه همت ایلکده بولمشلردر . حال حاضرده قیرغیز محیطنده بزی (قازاق) ، دیگرکی « آیتاب » نامیه ایکی غزته نشر ایدلکده در . عین زمانده کنگلر طرفندن یکی تأسیس اولنان ابتدائی مکتبلرده تدریس اولونمق اوزره برچوق مکتب کتابلری ده یازیلیوز .

خارقوف ده طلبه جمعیتی — خارقوف ده سائر روسیه مالکنه نیه مسلمانلرک عددی بک آز اولغاه مذکور شهرده اقامت ایدن مسلمان تورکلر کندی چوجقلرینی تحصیل ایچون قفقاسیه ، وواخا شهرلرینه کوندرمکده ایدیلر . بوسوک سنه لرده خارقوف قصبه سنده آچیلان دارالفنون خارقوف مسلمانلرینک سهولته تحصیل ایتلرینه سبب اولش و مذکور مؤسسه یه کرک خارقوف و کرک خارجدن برچوق مسلمان کنگلری طولشدره بودارالفنونده تحصیل ایدن مسلمان کنگلری اخیراً مکتب خارجدنه بر طلبه جمعیتی تشکیل ایدرک ، معارفک نشرینه تشبث ایتکده درلر . طلبه طرفندن بواصر خیر ایچون اعانه طویلاندینی کی دیگر طرفندن ده بی درپی ماسمرلر ترتیب ایدلکده در . ماسمرلره خارقوف قادیلری ده اشتراک اتمک سورتیه امر خیره یاردم ایلکده درلر .

دوماده کی مسلمان فرقه سنک لایحه سی — روسیه دوماسنده کی مسلمان فرقه سی اخیراً دومایه بر لایحه قانونیه اعطا ایلکدر . بولایحه قانونیه ، محله امورینک ، محله امام و مؤذنلرینک و مسجدلرک و محله مکتب و مدرسه لرینک حکومتنک نظارتنه تابع طوتولیوب ، جماعت اسلامیه یه مربوط اولسی خصوصنه متداثردر . لایحه ده ، مکتبک مسجدنه تابع اولدینی ، هر مسلمانک تربیه ابتدائیه ایچون بومکتبه کیرمی ده محله مکتبلرینک دینی برهؤسه بولوندیغنی اثبات ایتدیکی بیان اولونمده در .